



frá sýslumanni í rvk
Almennt: Tölvupóstur
Málsnúmer: SRN20040095
Málalyklar: 9.2
Eigandi skjals: Skúli Þór Gunnsteinsson
Staða: Lokið
Dagsetningar:
Búið til: 27.08.2020
Dagsetning skjals: 14.08.2020

Upplýsingar um viðskiptavin:
Netfang: "Eyrún Guðmundsdóttir"

Notandi: "Eyrún Guðmundsdóttir"

Dagsetning: 14.8.2020 16:25:12

Til: "Skúli Þór Gunnsteinsson"

Efni: frá sýslumanni í rvk

Sæll Skúli,

ég sendi þér hér að neðan nokkrar ábendingar vegna reglugerðar um skráningu einstaklinga, vona að það nýtist.

Kveðja,

Eyrún

Eyrún Guðmundsdóttir
Sviðsstjóri fjölskyldusviðs

Sýslumaðurinn á höfuðborgarsvæðinu
Hlíðasmára 1
201 Kópavogur
www.syslumenn.is
Sími: 458-2000

2. gr. b-liður um faðerni.

Ekki er mælt fyrir um að þí verði sendar upplýsingar um það þegar lýstur faðir útilokast frá faðerni barns með DNA rannsókn.

Ekki heldur mælt fyrir um að þí verði sendar upplýsingar frá sýslumönnum þegar kona lýsir þar yfir að henni sé ókleift að feðra barn sitt.

2. gr. d-liður um ættleiðingar.

„Tilkynningar“. Ættleiðingarleyfi útgefið af sýslumanni er sent þí og skýrara að orða það þannig.

Ekki er mælt fyrir um að þí verði sendar upplýsingar um staðfestingu sýslumanns á réttaráhrifum erlendar ættleiðingar á grundvelli ættleiðingarlaga, ásamt erlendu ættleiðingarleyfi og upplýsingum um kynforeldra ættleidds barns, eða upplýsingar um að þeir séu óþekktir.

2. gr. f-liður um forsjá.

„Tilkynningar um staðfestingu samninga um forsjá“, send er staðfesting samning um breytta forsjá sbr. 32. gr. barnalaga.

„Tilkynningar um úrskurði um forsjá“, ath að úrlausn um forsjá / lögheimili fyrir dómi getur verið í formi dóms, úrskurðar eða dómsáttar, sjá 34. og 35. gr. barnalaga.

2. gr. g-liður um lögheimili.

„Sýslumenn og dómistólar tilkynna staðfestingu samninga“. Sýslumenn senda staðfestingar á samningum um lögheimili, skv. 32. gr. barnalaga. Úrlausn um lögheimili fyrir dómi getur verið í formi dóms, úrskurðar eða dómsáttar, sbr. 34. og 35. gr. barnalaga.

2. gr. h-liður um ríkisfang.

Ekki er mælt fyrir um að Þí verði sendar upplýsingar frá sýslumanninum á höfuðborgarsvæðinu vegna staðfestinga á grundvelli 2. gr. a laga 100/1952 þar sem segir: „Við staðfestingu sýslumanns öðlast barnið íslenskt ríkisfang.“

2. gr. j-liður um skilnað að borði og sæng og l-liður um lögskilnað.

„Leyfi til skilnaðar [...] berast frá sýslumönnum og dómistólum.“ Leyfisbréf til skilnaðar eru gefið út af sýslumönnum en dómistólar kveða upp dóm um skilnað.

2. gr. n-liður um sambúðarslit.

„Tilkynningar um sambúðarslit“. Sendar staðfestingar á samningum um forsjá/lögheimili.

2. gr. o-liður um andlát.

„Tilkynningar um andlát“. Um er að ræða dánarvottorð, eða önnur sönnunargögn (6. gr. laga um skipti á dánarbúum) um andlát, sem sýslumenn senda til þí, skv. 10. gr. laga um dánarvottorð.

„sem eiga lögheimili hér á landi“. Samkvæmt lögum um skipti á dánarbúum geta komið til skipta hérlandis, bú eftir erlendis búsetta einstaklinga, og ber að tilkynna andlát þeirra til sýslumanns, sjá 1. og 5. gr. skiptalaga. Einnig ber að tilkynna sýslumanni andlát, ef útför fer fram hérlandis, þó búseta sé erlendis, sjá 10. gr. laga um dánarvottorð.

8. gr. um kerfiskennitölur.

Sýslumenn munu ekki í öllum tilvikum geta látið í té allar þær upplýsingar sem listaðar eru í 8. gr. um þá aðila sem sýslumönnum er þörf á að geta auðkennt í kerfum sínum. Dæmi um að sýslumaður geti aðeins látið í té nafn viðkomandi eða nafn og fæðingardag: Krafa um meðlag, þar sem foreldri sem krefur um meðlag, hefur ekki aðrar upplýsingar um hitt foreldrið en þær sem fram koma í fæðingarvottorði.

III. kafli og 18. gr. um útgáfu vottorða, miðlun upplýsinga um vensl.

Ekki er fjallað um útgáfu vottorða um forsjá í III. kafla, þau vottorð eru mikið nýtt af sýslumanni. Í 18. gr. er fjallað um miðlum upplýsinga um vensl (forsjá og foreldratengsl) til opinberra aðila sem þurfa þær upplýsingar. Er hér átt við að upplýsingar um forsjá og foreldratengsl verði afhentar beint inn í upplýsingakerfi sýslumanna og leysi af hólmi útgáfu forsjárvottorða? Ef átt er við það, er mikilvægt að útgáfa vottorða hætti ekki fyrr en tæknilegar lausnir fyrir miðlunina eru komnar í gagnið.

17. gr. um afhendingu þjóðskrár í heild sinni.

Sýslumenn eru þar ekki tilgreindir sérstaklega í 2. mgr. en falla þó væntanlega undir undantekningarreglu 1. mgr. Er uppfletting og aðgangur sýslumanna að þjóðskrá, í upplýsingakerfi sýslumanna, ekki byggð á heildarafhendingu til sýslumanna?

From: Skúli Þór Gunnsteinsson <skuli.gunnsteinsson@srn.is>

Sent: fimmtudagur, 25. júní 2020 10:01

Subject: Drög að reglugerð um skráningu einstaklinga til umsagnar í samráðsgátt

Góðan dag.

Til umsagnar í Samráðsgátt eru drög að reglugerð um skráningu einstaklinga, með vísan til samnefndra laga nr. 140/2019.

Linkur: [https://samradsgatt.island.is/oll-mal/\\$Cases/Details/?id=2710](https://samradsgatt.island.is/oll-mal/$Cases/Details/?id=2710)

Lög nr. 140/2019 um skráningu einstaklinga tóku gildi þann 1. janúar 2020 að undanskildum 2. og 3. mgr. 11. gr. og 2. og 4. mgr. 12. gr. laganna sem taka gildi 1. janúar 2021 og 1. mgr. 14. gr. laganna sem taka gildi 1. janúar 2022.

Drögin að reglugerðinni voru unnin í samráði við Þjóðskrá Íslands og að hluta í samráði við Persónuvernd svo sem lög gera ráð fyrir.

Markmið reglugerðarinnar er að stuðla að því að haldin sé áreiðanleg skrá yfir einstaklinga og að skráningin sé rétt svo að hún skapi grundvöll fyrir tiltekin réttindi og tiltekna skyldur einstaklinga. Ún fremur er það markmið að skráning upplýsinga í þjóðskrá og tengdar skrár byggist á bestu fáanlegu gögnum á hverjum tíma. Í reglugerðardrögunum er lagt upp með að upplýsingagjöf verði rafræn og útgáfa vottorða verði að mestu rafræn. Þá er vakin athygli á því að gert er ráð fyrir í e. lið 2. mgr. 2. gr. að tilkynningar um nafngjafir skuli berast frá forsjáraðilum barna og er það breyting frá því sem verið hefur.

Svo sem fram kemur hér að framan hafa nokkur ákvæði laga um skráningu einstaklinga ekki tekið gildi. Ástæða þess eru fyrst og fremst tæknilegar ástæður. Gert er ráð fyrir að ný ákvæði bætist við reglugerðina fyrir gildistöku ákvæðanna og verða þau ákvæði kynnt í samráðsgátt þegar þar að kemur.

Vakin skal athygli á því að 15. gr. reglugerðardraganna er enn í vinnslu en hagsmunaaðilar eru sérstaklega hvattir til að koma með athugasemdir við IV. kafla reglugerðarinnar.

Frestur til að skila umsögn um drög að reglugerð um skráningu einstaklinga er til og með 16. ágúst nk.

Fyrir hönd ráðherra,
eftir umboði

Skúli Þór Gunnsteinsson

Skúli Þór Gunnsteinsson, lögfræðingur, staðgengill skrifstofustjóri
Skrifstofa stafrænna samskipta / Department of Digital Communication
Samgöngu- og sveitarstjórnarráðuneyti / Ministry of Transport and Local Government
Sölvhólsgötu 7, 101 Reykjavík, Iceland
Sími / Tel: (+354) 545 8200
www.samgonguraduneyti.is - Fyrirvari/Disclaimer

Vinsamlegast hugið að umhverfinu áður en tölvupósturinn er prentaður /
Please consider the environment before printing

